

Mbanjneilij:

Yiengh Mbanj Gyaеundeі Vunzmbanj Youqdingh Saedceij Diemzvan

内里庄:村容优美 村民安居 生活甜蜜

□ Couh Gyahei Cwngz Yungjgoj

Gij gingj aenmbanj gyaеundeі raeuh.



▲ Aen giuzcangz naj daizheiq
fuengbienth vunzmbanj guh hozdung.



▲ Ndaw mbanj miz cibgeij
aen nungzyahloz.



▲ Reih lwgfaeg naengndaem
ndaej fungsou.



▲ Dieg ungganq dujraet
hawj vunzmbanj demlai souhaeuj.

Roen mbanj sohsangh bingz-bwd, daengroen baenz coij rongh-cangx, laeuz moq aen dem aen dajcang ndaej gyaqciq daegbied, aen huz hopheux daengx mbanj ndeu raemx sawyau laeyaengyaeng, gak cungj gofaex gova heuswdsd va hai hoengh, aendiengz laeuzbam ing bya dep raemx daengjdw, aen byoqraemx yinhyoz riengz gij sing go byoq diuq ndaej angqyangz yinxvunz…… Byaij haeuj Mbanjneilij, yienghsiengq lajmbanj moq gyaеundeі couh okyienh youq dangqnaј vunzraeuz.

Mbanjneilij dieg youq Yinzlij Cunh Dafungh Cin Sanglinz Yen, liz yienhsingz 6.5 goengleix gyaе, miz 131 ranz gungh 623 vunz, bi 2013 ndwen 5, ndaej dingh guh Namzningz Si aenmbanj singzmbanj dungjcouz cunghab guhyienh sawqdiemj. Youq mizgven danhvei gaep baihgwnz bangcoengh sonyinx lajde, aen mbanj neix aeu cungj ginghyingz vunqsik gunghshw + nungzhoh + diegsuen neix, nungzhoh doenggvaq aeu gij reihnaz bau guh haenx haeujguj gunghshw doengzcaez haifat nungzyez yawjgingj caeuq youqndwi lijyouz ciuhneix, doiq daengx mbanj nungzyez swnghecanj caeuq yienghsiengq aenmbanj guh doengjit gaijcoih. Geij bi neix daeuj, daengx mbanj 125 aen ranz

gonqlaeng guh bae ciengz, gaij cueng gaij dou, dajcaux gij gingj aenhuz, guh roen mbanj bu suiјniz, raemxfwn raemxuq faenlae hidungj caeuq aendaemz cawqleix raemxuq haem lajnamh, an swlaizsuij haeuj ranz, aensuen yawjgingj ndaem faex ndaem va, goenggungh boiqdaу sezsih, hongsaeh hung hwngfat daengj 8 aen hanghmoeg guh ndaej swnhleih, yienghsiengq aenmbanj biengvaq hungloet. Ciengzranz saek henjoiq, dingjranz lingqleq, yiemhranz ngaеugungj lumj gaeuvaiz, aencueng gaekdeu duzroeg caeuq gij yienghdoz dajcang lumj roeg-daengngoenz haenx, hawj yenzsu vwnzva “Bouxcuengh” doedyienh okdaeuj. Daengx mbanj mienhcik loegvaq dabdaengz 7000 lai bingz-fuengmij, doengzseiz lij guhbaenz le aen vwnzva fuzvu cungsim gvangq 2000 lai bingzfuengmij miz daegsaek Bouxcuengh ndeu, boiq cawx le dennauj, densi, yingjdezhgih, yaem-yiengj daengj doxgaiq dij ngaenz 10 fanh lai maenz ngaenz, daizheiq, giuzcangz ronghdaeng, veiswnghsiz daengj yienghyienh guh miz caez. Gyoengq vunzmbanj naeuz, seizneix ndaw mbanj saedceij gig cwxcaih gig ansim, gingjsaek seiqhenz mbanj gyaеundeі beij hawsingz ak,

daihgya cungj gig habhoz!

Mbanjneilij gvihaeuj ndaw gvaengh Rangh Guhyienh Nungzyez Daegsaek (Haedsim) Ciuhneix Yinzlijhuz, ranghdieg neix gvaengh daengz Mbanjneilij, Mbanjvailij caeuq Mbanjcailij sam aen mbanj Yinzlij Cunh, hanghmoeg ciemq diegdeih 8000 moux, yaeк gonqlaeng roengznгаenz 30 ik maenz, giva guh miz aensuen youqndwi gvaq ngoenzgyaj ciengxdang, aensuen guh-yiengh nungzyez daegsaek, aensuen ndaemganq doenghgo dijbauj noix miz, aensuen mbaenj fuk minzcuz vwnzva, aensuen youzangq henz hamq Yinzhuz, dieg guhyienh singz mbanj caemhcomz daengj roek daih dieg goengnaengz cawjdaeз neix, cauxguh 5A gaep ginggih moq swnghdai nungzyez caeuq youqndwi gvaq ngoenzgyaj dox giethab ndeu. Daengz bi 2018 guh sat le, ndaej sou 600 vunz guhhong, lijyouz cunghab souhaeuj ndaej dabdaengz moix bi 1.5 ik maenz, gij nungzhoh haeujguj haenx ndaej daengz seiq cingz faenhoengz; nungzminz lij ndaej youq bakranz hwnjban lingx ngaenzhong, yiengh-neix mboujdan hawj saedceij vunzmbanj gaijndei haujlai, souhaeuj caemh bi beij bi lai.



▲ Ndaw daemz naj mbanj
ndacang miz gingj byoq raemx.



▲ Roen haeuj mbanj bingzbwd gvangqyub.

▲ Lwgnyez youq dieg lienhdang ndaw
mbani euhcaemz.